

naturam; quae est vera et perfecta filatio: atqui nec Salomon, nec quisquam alius, sed solus Christus est Filius Dei per naturam; ergo in sensu litterali proprio, et plene ac perfectly, praeceata verba tantum convenient Christo; et sic Apostolus eis hoc sensu utens, optime inde ducit Christum esse excellenterem angelis.

Quomodo autem praemorata propheta sano sensu Salomoni, et quomodo plene ac perfectly convenient Christo, ex objectionibus et eorum solutionibus, ulterius patebit. Itaque contra utramque resolutionis partem

SOLVUNTUR ARGUMENTA. — Obj. I, contra primam resolutionis partem. Hic §. 13 dicitur: *Et stabiliam thronum regni ejus usque in sempiternum.* Atqui haec verba optimè convenient Christo, quia regnum ejus firmum et perpetuum est, juxta illud Daniel VII, 14: *Potestas ejus potestas aeterna, quae non auferetur, et regnum ejus quod non corrumperetur.* Item juxta illud Luca I: *Regni ejus non erit finis.* Salomoni autem et regno ejus non videntur posse convenire; quia scriptum jam diu a Juda ablatum est; ergo.

R. Neg. min. pro secunda parte, quia in sempiternum idem significat ac tempus longinquum; sic enim intellexit ipsem David, §. 19. Sic lex circumcisionis vocatur *fædus sempiternum*, Gen. XVII. Et sic etiam de omnibus ceremoniis V. L. dicitur saepius in Levitico; quae tamen non semper erant duratura, sed abrogandæ per Christum. Item sic Exod. XXI de servo, qui nolebat exire de servitu anno septimo, dicitur quod maneret *servus in seculum.* Et psal. LXV dicuntur montes aeterni. Unde ex argumento proposito tantum sequitur, haec non plene et perfectly convenire Salomoni, sicut convenient Christo: quod libenter admittimus.

Obj. II. Hic §. 15 dicitur: *Misericordiam autem meam non auferam ab eo.* Atqui a Salomone Deus abstulit misericordiam propter graviam, quæ in senectute commisit, peccata: scidit enim regnum ejus, ut habetur III Reg. XI. Imo verisimile est, quod Salomon aeternam damnationem incurrit; ergo, etc.

R. Disting. min. A Salomone abstulit misericordiam, pro parte; concedo: omnino et totaliter; nego min. Nam in textu statim additur: *Sicut abstuli a Saül, quem amovi a facie mea.* Itaque textus objectus tantum denotat, regnum temporale non esse totaliter a Salomone auferendum, sicut fuit ablatum a Saül, ejusque posteris: mansit enim regnum Iuda in posteritate Salomonis multis seculis, videlicet usque ad captivitatem babyloniam, ac deinde sub titulo principatus usque ad Herodem: tandemque in Christo, ex progenie David et Salomonis descendente, spirituale regnum pro terreno successit.

Obj. III. Saltem S. P. Aug. supra citatus, videtur negare istam prophetiam convenient Salomoni; ergo.

R. quod tantum negat, eam plene et perfectly convenire Salomoni, quemadmodum supra dictum est; at non negat, eam pro parte et inchoative ei convenire: nam loco supra citato rursus ita scribit: *Facta*

*est nonnulla imago rei futuræ etiam in Salomone, in eo quod templum adificavit, et pacem habuit secundum nomen suum [« Salomon, quippe « pacificus » est latine] et in exordio regni sui mirabiliter laudabilis fuit ... pranuntiabat ipse Christum Dominum ... qui adificaret domum Domini, non de lignis et lapidibus, sed de hominibus ... huic enim domui dicit Apostolus, hoc est fidibus Christi [I Cor. III]: « Templum enim Dei sanctum est, quod estis vos. »*

Igitur juxta S. Doctorem, propheta etiam litterali intelligitur de Salomone, quatenus in exordio regni sui figura fuit Christi, 1. propter innocentiam morum, et Dei cultum; 2. ob summam sapientiam; 3. ob amplissimas divitias; 4. ob regnum vastissimum; 5. ob familiam ordinatissimam; 6. ob summam pacem et tranquillitatem. Quæ tamen omnia multo abundantius, et complete competit soli Christo, et ejus Ecclesiæ, quæ est spirituale regnum Christi.

Obj. IV, contra secundam resolutionis partem: Hie, §. 14, dicitur: *Qui si inique aliquid gesserit, arguam eum in virga virorum, et in plagis filiorum hominum: id est, humana et clementi punitione emendabo eum, sicut solent homines filios castigare.* Hebrei autem, teste auctore libri Tradit. hebraic. in lib. Reg. inter opera S. Hieron. per *virgam virorum* intelligent gladium inimicorum; per *plagas vero filiorum hominum* dicunt designari morbos, egestates, alia incommoda, quibus propter demerita sua homines a Deo castigantur. Atqui haec non possunt competere Christo: utpote qui prorsus impeccabilis fuit; sed optimè competit Salomoni: quia cum esset senex, depravatum est cor ejus per mulieres, ut sequeretur deos alienos, ut III Reg. XI refertur; et ob hoc alia gravia ejus peccata Deus ipsum punivit, immo et plures adversarios ei suscitavit, ut legitur ibidem; ergo, etc.

R. Disting. min. Non competit Christo in propria persona (quemadmodum convenient Salomoni) concedo min. Non competit ei in membris ejus, id est fidibus; nego min. ac conseq., et dico cum S. Aug. lib. XVII de Civ. Dei, cap. 9: *Ideo in libro Regnum iniquitas ejus (scilicet Christi) dicitur: In psalmo autem LXXXVIII, filiorum ejus: ut intelligamus de ipso dici quodammodo, quod de ejus corpore dicitur.* Idque S. Doctor declarat ex eo quod Christus Saül apparet, dixerit: *Quid me persequeris, quando nempe persecutus eris fideles.*

Obj. V. Ex eo quod hic §. 16 dicatur: *Fidelis erit dominus tua, non recte videtur probari, illam prophetiam non esse completam in Salomone;* ergo principium fundamentum secundæ nostræ resolutionis corrut.

Prob. ant. Quia per dominum fidem intelligi potest dominus firma, stabilis et perennis, ut ex hebreo verit Pagnius; sic enim vox *fidelis* scilicet sumitur in Scriptura, ut III Reg. XI, 58, Isaia XXII, 23, Act. XIII, 54. Ergo prophetia potest dici completa in Salomone, et ejus successoribus.

R. Neg. ant. Et ad prob. dieo, quod licet vox *fidelis* aliquando eo sensu sumatur, tamen in textu ex hoc capite citato non possit sic accipi: quia in versibus precedentibus Nathan expresserat imo et §. 16 rursus de novo exprimit regnum Salomonis futurum stabile, dum dicit: *Et thronus tuus erit firmus jugiter.* Ergo dum dicit: *Fidelis erit dominus tua,* aliud aliud significat, ac consequenter vox *fidelis* debet hic accipi proprie, et non figurare.

Inst. Etiam accepta proprie, potest verificari de Salomone et de domo ejus; ergo, etc.

Prob. ant. Quia licet Salomon peccaverit, item licet aliqui reges Juda ad idolatriam declinaverint, tamen alii, puta Ezechias, Josias, etc., rursus reducabant populum ad cultum divinum: ergo.

R. Disting. ant. Potest verificari de Salomone et de domo ejus, secundum quid; concedo: simpliciter et absolute, nego ant. et conseq. Nam licet varii pri reges Juda populum ab idolatria ad verum Dei cultum reduxerint, tamen inde non sequitur quod dominus ejus, id est successores in regnum ejus, simplicer loquendo manserint Deo fideles: nam Achaz, Amon et nonnulli alii reges Juda fuerunt valde impii, et populum ad idolatriam per fana, altaria, etc., ab ipsis erecta incitaverunt et seduxerunt: et ideo dominus ejus non potest dici mansisse fidelis in eternum.

Obj. VI. Verba illa: *Suscitabo semen tuum post te, quod egredietur de utero tuo, æque verificantur de Salomone, ac de Christo:* ergo nec S. Aug. nec nos inde recte concludimus, prophetiam non esse completam in Salomone.

Prob. ant. Quia ista nihil aliud significant quam *suscitabo Salomonem ad regnum, ut regnet post te,* sicut revera factum est; nam post mortem Davidis tantum accepit plenam et absolutam regni administrationem. Et ita præceata verba intellexit ipsem Salomon, III Reg. VIII, 19 et 20.

R. Disting. ant. Verificantur de Salomone, imperfecte, seu in sensu litterali figurato sive metaphorico accepta; concedo ant. Et hoc sensu tantum ea de se dicta esse insinuat Salomon, loco jam citato III Reg. Verificantur de Salomone, plene et perfectly, seu in sensu litterali proprio et naturali accepta; nego ant. ac dico, hoc sensu de ipso verificantur non posse, eo quod, vivente Davide, ad regnum evectus fuerit: et consequenter, proprie loquendo, dici nequit, quod post mortem Davidis demum ad regnum suscitatus fuerit.

Obj. VII. Ex jam dictis sequitur primo, quod quedam ad litteram intelligentur de Christo tantum, quedam autem de Salomone et de Christo simul: atqui hoc non videtur commode posse admitti; quia tunc rumperetur tota congeries sententiarum: nam in prophetia est tota continua locutio. Sequitur secundo, quod eadem Scriptura verba habeant duos sensus litterales, quorum unus est proprius, alter figuratus.

R. Admittendo totum: nam in hoc non est aliquod inconveniens. Non in primo, quia, ut observat S. Gre-

gor., hom. 7 in Ezech.: *Consuetudo propheta est, nunc illa, nunc ista conspicere, et ab aliis in aliud subito verba derivare.* Et hie transitus est frequens in psalmis, atque inter alia liquet ex psalm. LXXI, ubi David a figura, id est a Salomone, translit ad figuratum, id est ad Christum, dicens §. 6: *Descendet sicut pluvia in vellus, etc., usque ad finem psalmi.* Non etiam in secundo est inconveniens: nam juxta SS. Aug., Hieron., Ambros. et alios veteres illud Gen. I: *In principio, in sensu litterali proprio intelligitur de initio temporis; in sensu autem litterali figurato intelligitur de Filio, seu de secunda SS. Trinitatis persona.* Item Gen. III, quedam in sensu litterali proprio intelliguntur de serpente naturali, et in sensu litterali figurato intelliguntur de serpente infernali, seu de diabolo. Quidni ergo similiter dicamus, quod quedam sint in prophetia Nathan, quæ in sensu litterali proprio intelliguntur de Christo, et in sensu figurato de Salomone; vel e converso?

*Varia Davidis bella, totidemque ejus victorie recensentur. Ob gratam memoriam Jonathæ, sibi quondam amicissimi, benefacit filio ejus Miphobeth. Mittit legatos ad Hanon, regem Ammonitarum, qui super morte patris illum consolentur.*

QUÆSTIO PRIMA. — QUOMODO DAVID DEVICERIT PHILISTEOS, MOABITAS, ET ADAREZER REGEM SOBA.

Cap. VIII, 1: *Et factum est post hæc, percussit David Philistium et humiliavit eos.* David præpeditus a Deo ab extruendo templo, convertit se ad prælia, quibus pacem et spolia Salomoni pararet, ad illud fabricandum tranquille et sumptuose.

*Et tulit David frenum tributi de manu Philistium.* Per frenum tributi proprie intelligitur urbs Geth, capta a Davide: illa enim erat in confinio Judææ et Philistææ; ideoque per eam Philistæ frenabant Hebreos, eosque tenebant subjectos, et ad tributa cogebant.

Cum enim civitas Geth esset metropolis, seu caput unius ex quinque satrapis Philistinorum, ipsa cum viciniis urbculis et arcibus vocabatur hebraice *Metegh-amma*, id est frenum tributi: *Metegh* enim significat frenum, *amma* vero proprie cubitum designat; sed hic pro tributo accipitur: quia pretium tributi limitatum et definitum fuit instar cubiti.

Et sane non aliud hic insinuat fecisse David cum Philistæis, quam quod mox §. 2, 6 et 14 traditur fecisse cum Moabitis Syris et Idumais, nempe militare præsidium posuisse in opportunitate earum regionum urbibus et locis, quo ipsos devictos sub jugo et tributo contineret. Manifestus hoc evadit ex I Paralip. XVIII, 1, ubi pro majori dilucidatione hujus loci dicitur: *Factum est autem post hæc, ut percuteret David Philistium, et humiliaret eos, et tolleret GETH, et filias ejus:* id est oppida, urbi Geth subjecta. Ita Serarius cum aliis.

§. 2: *Et percussit (David) Moab: id est Moabitas,*

qui Iudeæ erant ad orientem , sicut Philistæ ad occidentem ; Syri , § . 4 et 5 , ad septentrionem ; Idumæi , § . 18 , ad meridiem . Per quatuor ergo mundi plagas David victria arma circumtulit .

§ . 5 : Et percussus David Adarezer... regem Soba . Regnabat hic in Syria , non procul ab Euphrate fluvio . Haec autem regio ab urbe sua primaria nuncupata est Syria Soba , postea dicta est Cœlesyria . Et I Paralip . XVIII , 3 , vocatur Saba regionis Hemath .

Additur autem , quod percuterit David Adarezer , quando profectus est , ut dominaretur super flumen Eu-phratem . Ambiguum est , an David , an vero Adarezer hunc dominatum affectarit , et an ad hunc potius quam ad istum ḥ profectus est , referendum sit : cum nec ex hebreo , nec ex græco , nec ex chaldaeo textu , ambiguitas tolli quæsat .

Interim quidquid desuper sit , hoc quidem tum ex hoc cap . , tum ex I Paralip . XVIII , certum est , quod David totam illam regionem ad Euphratem usque sibi subjecerit , et tributariam fecerit ; eo quod ista regio ex divina promissione ac ordinatione ( Gen . XV et Deuter . I ) Israelitis competeteret .

§ . 4 : Et captus David ex parte ejus mille septingentis equitibus , et viginti millibus peditum , subnervavit omnes jugales currum : dereliquit autem ex iis centum currus . Lib . I Paralip . , cap . XVIII , 4 , id paulo clarius dicitur : Subnervavit omnes equos currum , ut nempe inutiles fierent ad bellum , juxta preceptum Dei , Deuter . XVII , 16 .

Porro conciliandus est hic locus cum illo qui habetur I Paralip . XVIII , 4 , ubi dicitur : Cepit David ( ex parte Adarezer ) mille quadrigas ejus , et septem millia equitum , ac viginti millia peditum virorum .

Estius respondet quod minor numerus non repugnat majori , quando minor numerus non exprimitur cum exclusione numeri majoris : non enim dicitur hic quod tantum coperit mille septingentos equites .

Si queratur , cur major numerus ad laudem victoris etiam hoc loco expressus non sit : respondet auctor citatus , quod forte id ideo factum sit , quia illi , qui hic narrantur victi , ipsius regis Adarezer proprii fuerunt equites , reliqui , qui adjiciuntur in Paralip . , fuerunt exteri et subsidiarii .

Menochius et A Lapide cum Abulensi respondent , hoc libro Regum primarios tantum equites numerari , et qui erant ex regio satellito , in Paralip . vero omnes .

Serarius per septingentos equites intelligit equitum decurias : unde juxta hanc responsionem sensus verborum § . 4 hujus cap . videtur esse , quod David coperit mille currus seu quadrigas , ut dicitur lib . I Paralip . , cap . XVIII , 4 , et septingentas decurias equitum , quæ in toto conficiunt 7,000 , ut additur ibidem . Nam si multiplicentur septingentæ decurias per decem , habetur numerus 7,000 .

Quo sensu filii David hic § . 18 vocentur sacerdo-tes , dictum est cap . XIV lib . Gen . Quest . III , in Resp . ad Obj . III .

QUEST . II . — QUO SENSI DICATUR DAVID DESIGNASSE MIPHIBOSETH ASSIDIUM CONVIVAM IN MENSA SUA .

Cap . IX , 9 : Vocavit itaque rex Sibam... et dixit ei : Omnia quæcumque fuerunt Saül... dedi filio domini tui . Id est , dedi Miphiboseth , qui est filius Jonathæ , olim domini tui .

§ . 10 : Operare igitur ei terram tu , et filii tui , et servi tui . Erant enim Sibæ quindecim filii , et viginti servi . Et inferes filio domini tui cibos , ut alatur . Id est , inferes cibos filio Miphibosethi , nunc domini tui , cuius filius vocabatur Micha , ut infra , § . 12 , habeatur : non enim videtur intelligi posse de cibis administratis Miphibosetho , quia ille semper comedebat in mensa regis . Ita Lyranus , Cajetanus , Menochius , et A Lapide . Alius itaque intelligitur dominus § . 10 , et aliis § . 9 , juxta auctores citatos .

Attamen dici forsitan posset , quod quidem Miphiboseth esset conviva regis ; sed ita , ut alimentatio ejus saltem pro parte suppeditaretur ex preventibus quos Siba inferre debebat ; nisi hoc forte esset iudicium munificentia regia , et liberalitate Davidis . Unde prima expositio pluribus placet .

Interim non incongrue etiam dici potest , quod sensus prefati textus sit hic : Inferes filio domini tui cibos , ut alatur ejus familia : atque adeo ponatur vir pro sua familia per metonymiam , quæ non raro occurrit in Scripturis . Sic sepe Israel ponitur pro tota ejus posteritate : nam dicere quod § . 9 per filius domini tui intelligatur Miphiboseth , et mox § . 10 per idem filius domini tui , et eodem contextu sermonis intelligatur Micha , videtur nimis durum , et nullo modo fundatum .

Miphiboseth autem filius domini tui comedet semper panem super mensam meam . Est hic difficultas , et apparens antilogia , quia § . 11 habetur : Dixitque Siba ad regem : Sicut jussisti , domine mi rex , servo tuo , sic facit servus tuus : et Miphiboseth comedet semper panem super mensam meam , quasi unus de filiis regis . Hoc loco insinuatuerit ipsum in mensa Sibæ comedisse , ubi versus precedenti dicitur comedetur in mensa regis . Respondent Tirinus , Menochius , et A Lapide , particulam et valere idem quod in eo etiam , quasi dicat : Sicut jussisti , rex , sic faciam servus tuus , ut aliam Micham filium Miphibosethi ; quinimo si tibi , rex , placet , etiam Miphiboseth comedet super mensam meam ; adeoque non tantum filio , sed et parenti abunde propiciam , quasi uni de filiis regis .

Hebrei apud Lyranum dicunt , quod postquam Siba dixisset regi : Sic faciat servus tuus , David responderit : Et Miphiboseth comedet super mensam meam ; adeo ut hic sit modus loquendi , qui apud Hebreos vocatur decurtatus vel recitus , quando aliquid omititur quod necessario subintelligitur . Hæc expositio videtur rejicienda , quia illæ particulae : Dixit David , non sunt in hebreo , chaldaico , aut LXX , et gratis asseritur quod subaudiantur .

Ceterum , nihil obstare videtur , quominus asseratur quod super mensam meam , in versu 10 non

designet præcise locum , sed cibum , ita ut sensus sit : Dixit David : Miphiboseth semper comedet cibum de mensa mea ; et Siba respondit : Comedet semper cibum de mensa regis , super mensam meam , dum ipsem ad mensam regis non veniet . Videtur hic sensus posse erui ex § . 13 , ubi dicitur : Porro Mi-phiboseth habitabat in Jerusalem , quia de mensa regis jugiter vescebatur .

QUESTIO III . — AN DAVIDI LICUERIT MITTERE LEGATOS AD REGEM AMMONITARUM , ET QUOT DE SYRIS OCCIDERIT .

Cap . X , 2 : Dixitque David : Faciam misericordiam cum Hanon filio Naas , sicut fecit pater ejus mecum misericordiam . Quænam fuerit misericordia ab illo Davidi exhibita , Scriptura non exprimit , sed auctor traditionum hebraicarum in lib . Reg . ita scribit : Quando fugit a facie Achis regis Geth , venit ad Naas regem Ammon , qui fecit cum eo misericordiam , multa impertiens ei bona ; de Naas itaque venit in speluncam Odollam , etc .

Misit ergo David , consolans eum per servos suos super patris interitum . Quamvis Deus , Deuter . XXIII , 6 , Israelitis dixisset de Ammonitis et Moabitis : Non facies cum eis pacem , nec queras eis bona cunctis diebus vita tua in sempiternum ; non tamen peccavit David , erga regem Ammonitarum sese exhibivit officiosum : quia licet beneficiis eum prævenire non deberet , tamen iis præventus , paria reponere licite poterat , ex legis naturalis dictamine ad gratitudinem obstrictus .

§ . 18 : Et occidit David de Syris septingentos currus , et quadraginta milia equitum . Videtur hic locus adversari iis quæ habentur I Paralip . XIX , 18 , ubi dicitur : Interfecit de Syris septem millia currum , et quadraginta milia peditum . Sed cum libri Paralip . suppleant ea quæ in libris Regum omissa sunt ; illa vero quæ et ibi dicta sunt obscurius explicit clarius ; ut hæc duo loca concilientur , dici potest , currus tantum fuisse septingentos , ex quorum singulis decem milites præliaabantur , qui septem millium summam conficiunt : hos autem illos esse , quos Scriptura sacra in Paralip . recensuit , cum ait : Septem millia currum , id est militum ex curribus pugnantium ; milites enim occiduntur , non currus . Ita exponunt Abulensis , Salianus , Serarius , et alii .

Dunn vero dicuntur in Paralip . occisa quadraginta milia peditum , hoc autem cap . quadraginta milia equitum , dici potest , utrumque verum esse , ac cæsorum summam fuisse octoginta millium , scilicet equitum et peditum simul , ultra eos qui pugnabant de curribus : ut proinde cæsorum numerus universum fuerit 87000 . Ita auctores citatos .

#### CAPUT XI .

Dum Joab obsidet Rabba , civitatem regiam Ammonitarum , David domi residens otiosus , adulterium committit cum Bethsabee ; cuius marito Uria fraudulenter occidi jussu , ducit eam uxorem . Sed divinam in se concitat indignationem .

QUESTIO UNICA . — QUOMODO DAVID IN ADULTERIUM LAPSUM SIT , ETC .

Vers . 1 : Factum est autem , vertente anno . Pagninus et Arias ex hebreo vertunt : Et fuit in reversione anni . Chaldaeus habet : Et fuit in tempore finis anni . Utrumque conciliari potest : nam finis et innovatio anni apud Hebreos , quemadmodum et apud astrologos , siebat in æquinoctio verno , id est in mense Nisan ; ut colligitur ex Exod . XII , 1 . Hinc Josephus lib . VII , Antiq . cap . 7 dicit : Vere ineunte ( David ) Joabum ad bellum ammoniticum misit .

Dum autem Ammonitarum devastatio , et metropolis obsidio agebantur , David , ambulans in solario domus regiae , vidit mulierem se lavantem , ex adverso palatii regii , super solarium suum ad quam

§ . 5 : Misit... et requisivit , quæ esset mulier . Lyranus putat , quod miserit David ad hoc , ut inquireret et sciret an esset soluta , ut sic eam acciperet in uxorem : invalescente tamen tentatione , sciens quod esset maritata , nihilominus mandatum dedit eam adducendi , et commisit adulterium .

Nuntiatumque est ei , quod ipsa esset Bethsabee filia Eliam , uxor Uriæ Hethæ . Lib . I Paralip . cap . III , 5 Bethsabee dicitur filia Ammiel , quia in Hebreo Ammiel per anagramma est Eliam , inquit recentior quidam . Ammiel autem hebraice idem sonat quod populus meus Deus , Eliam vero idem quod Deus meus populus , juxta interpretationem Menochii et a Lapide .

§ . 4 : Quæ cum ingressa esset ad illum , dormivit cum ea , statimque sanctificata est ab immunditia sua . Sensus videtur esse , quod aqua lustrali emundaverit se ab immunditia legali , quam contraxerat ex congressu cum Davide , juxta legem Levit . XV , 18 . Sed peccatum adulterii sive culpam hoc ipso non abluit ; hæc enim non aqua , sed poenitentia et lacrymis contritionis abluenda est .

§ . 15 : Et vocavit eum ( scilicet Uriam Hethæum ) David , ut comederer coram se , et biberet , et inebriavit eum : ut nempe Urias , vino calefactus , oblivioni daret arcum et exercitum , ac pariter suum juramentum , quod fecerat § . 11 , et dormiret cum uxore sua ; ut sic prolem conceptam ipsi supponeret .

Grave fuit peccatum Davidis , ait Estius : quatenus enim in se fuit , Uriam inebriare conatus est usque ad rationis delinquum , ut faceret eum dormire cum uxore , quatenus lateret adulterium .

Verum quidem est , quod verbum inebriavit sæpe in Scripturis significet , tantum esse satiatum , et liberiori haustu exhilaratum : sed circumstantiae indicant hic veram ebrietatem seu temulentiam a Davide fuisse intentam .

Porro variae causæ assignari queunt ; cur Deus Davidem tam graviter labi permiserit ; nempe

1. Ut eum humiliaret , dum observaret quod etiam per gratiam esset sanctus propheta , tamen per naturam esset homo fragilis , et ad malum proclivis .

2. Ut Deus ostenderet suam justitiam in peccati

{ Vingt-huit . }

castigatione, et misericordiam in cùlpæ condonatione.

3. Ut ejus exemplo edocti cæteri, caverent occasionses lapsus, ac præsertim incautos seminarum aspectus.

4. Ut si quis lapsus fuerit, non desperet; sed cum Davide pœnitendo resurgat. *Peccatum cum desperatione certa mors est*, inquit Aug. in Psalm. L. *Sicut (lapsus Davidis) cautos facit eos, qui non ceciderunt, sic desperatos esse non vult, qui ceciderunt*, ait S. doctor ibidem.

Mystice (quod novum et mirum est, inquit A Lapide) patres plerique adulterium Davidis interpretantur de Christo Ecclesiam Gentium sibi desponsante. Sed in hoc fallitur auctor citatus: siquidem patres in ipso Davidis adulterio allegoriam nequam constituent.

Unde S. P. Aug. loco ab ipso a Lapide citato, scilicet lib. XXII cont. Faust. cap. 87 ita scribit: *Iste quidem David graviter scelerateque peccavit... verumtamen ille desiderabilis omnibus gentibus (Christus Dominus) adamavit Ecclesiam... se lavantem: id est mandantem se a sordibus seculi... eamque sibi perpetuo connubio copulavit.*

Ubi S. doctor in allegoria spectat Davidem, non tam ut initio adulterantem cum Bethsabee, quam ut postea eam sibi copulantem matrimonio; sic enim representavit Christum desponsantem sibi Ecclesiam ex Gentibus.

S. Ambros. autem dum lib. III in Lucam ait: *Mysterium in figura, peccatum in historia, culpa per hominem, sacramentum per Verbum, conformiter ad Augustinum intelligi potest.*

Sed nec ista S. Gregorii verba ex lib. III Moral. cap. 21 ab A Lapide pariter adducta: *David est Christus, Bethsabee est Lex vetus, quam Christus ab Uria, id est a Judæis abstulit, sibique conjunxit, quia se per illam prædicari declaravit*, mysterium aut allegoriam in ipso adulterio Davidis constituent.

## CAPUT XII.

*Nathan propheta mittitur a Deo ad Davidem, qui sub parabola oviculae, per divitem pauperi sublatæ, et ad epulum datus, regi enormitatem facti sui ab oculis ponit. Ille culpam agnoscit et veniam obtinet, penitus tamen acerbis plectendus; mortuo mox puer ex adulterio concepto, cui vitam fiendo et jejuno David frustra flagitaverat, ex Bethsabee nascitur Salomon. Expugnatur urbs regia Rabba, et diruitur, atque in Ammonitas atrociter sævitur.*

QUÆSTIO PRIMA. — AN MANSERIT DAVID IN SUIS PECCATIS USQUE AD CORREPTIONEM NATHAN PROPHETÆ.

Vers. 1: *Misit ergo Dominus Nathan ad David. Gaspar Sanetius in hunc locum ita scribit: Multi jam fuerant exacti dies, neque tamen mens Davidi antiqua redierat, quam immoderatus carnis affectus eripuerat. Jam enim natus erat puer, furtiva venere et adulterino concubitu conceptus, ut constat ex fine præcedentis capituli, et quia Nathan hoc loco mortem*

*puero ex adulterio nato minatus fuerat. Quare, inquit, necesse est, in peccato Davidem novem saltem mensibus haesisse. Idem sentit A Lapide in hunc locum.*

R. et dico: *Quod vir secundum eorū Dei integro novem mensum spatio, quasi Dei sui oblitus, nullum de tam gravibus criminibus eliciisset dolorem, nullum edidisset singultum, non appetet credibile.*

*Quia in isto viro*, inquit S. P. Aug. lib. III de doct. Christ. cap. 22, *immoderatae hujus libidinis non mansio, sed transitus fuit; propterea etiam ab argente propheta ille illicitus appetitus hospes vocatus est: Non enim dixit, eum regi suo, sed hospiti suo, vicini pauperis ovem ad epulandum eripuisse.* Item auctor Serm. 58 de Temp. ait: *Penitentiam agere (David) mortifera securitate non distulit. Mortifera plane fuisse securitas, et libidinis non transitus, sed permanens, si novem mensum spatio, nec remordensis conscientiae stimulo, nec penitentis animi dolore fuisse compunctus.*

*Quod interea securus voluptatibus eum Bethsabee indulgeret, gratis assertit A Lapide. Nam praeced. cap. y. 27 dicitur, quod transacto luctu miserit David, et introducerit eam in domum suam, et facta sit ei uxor. Porro septem dies, aut paulo plus eam luxisse maritum, existimat Abulensis Quæst. 21 in cap. 41. Et revera, ut proles illegitime concepta, putaretur ex legitimo Davidis thoro procreata, non conveniebat conjugium procrastinare. Cum itaque mox facta sit ejus legitima uxor, non erat amplius, cur voluptatibus indulgeret, sed juxta matrimonii leges cum ea viveret.*

*Et quamvis infra y. 13, dum dixit David ad Nathan: Peccavi Domino, subjunxit propheta: Translatis quoque Dominus peccatum tuum; inde non sequitur, quod usque ad illud tempus manserit in affectu peccati: imo quamvis diu ante reatus culpæ ei fuisse dimissus, verba Scripturæ veritatem sortientur. Et fuisse equidem ratio mittendi ad illum Nathan prophetam, ut discebet sententiam damnationis suæ; quemadmodum loquitur August. loco citato de Doct. Christ.; nempe ut sciret quas penas esset promeritus, et, apprehensa enormitate scelerum suorum, condignam satisfactionem per opera penitentiae prestatet.*

*Fatendum tamen, quod Aug. ibidem censeat, eum diluisse peccatum post admonitionem prophetae. Sic enim loquitur S. doctor: Commotus David, occidi eum jussit (qui oviculam abstulerat) et quadruplicari ovem pauperi, ut se nesciens condemnaret, qui peccaverat sciens. Quod cum ei manifestatum esset, et divinitus denuntiata vindicta, diluit pœnitendo peccatum. Sed cum eo consistit, quod prævie doluerit; quamvis non sufficienter pro scelerum magnitudine, et usque ad peccati remissionem.*

*P. an Nathan propheta sit diversus ab illo Nathan, qui Lucæ III ponitur in genealogia Christi.*

*R. Affirmative: nam Nathan, qui ponitur in genealogia Christi, fuit filius Davidis ex Bethsabee, ut*

*liquet I Paralip. III 5. Jam autem ex decursu hujus cap. satis clare eruitur, quod eo tempore, quo David per Nathan prophetam correptus fuit, nullus quatuor filiorum Bethsabee, de quibus agitur loco citato Paralip. natus fuerit; ergo Nathan propria certa est diversus ab illo Nathan, de quo agitur Lucæ III.*

*Dices: S. P. Aug. agens de progenitoribus Christi, lib. II de consensu Evangelistarum cap. 4, ita scribit: Matthæus ab ipso David per Salomonem descendit, in cuius matre ille peccavit: Lucas vero ad ipsum David per Nathan ascendit, per quem prophetam Deus peccatum illius expiavit. Item serm. 63 de Diversis, cap. 21, dicit: Iste ascendit per Nathan, alterum filium ejusdem David, per quem a peccato purgatus est. Legimus enim quod Nathan ad eum missus est, ut eum redargueret. Ergo videtur Aug. docere, quod iste Nathan, qui Davidem redarguit, fuerit filius Davidis.*

*R. Neg. conseq. Nam non per quem intligi debet per cuius nominis prophetam: ipse enim mentem suam sic explicat pro priori loco lib. II Retract. c. 16 dicens: Ubi dixi: Lucas vero ad ipsum David per Nathan ascendit, per quem prophetam Deus peccatum illius expiavit, per cuius nominis prophetam dicere debui, ne putaretur idem fuisse homo, cum alter fuerit. Et lib. I Retract. cap 26: Quod dixi: Iste ascendit, etc., non sic accipiendum est, tanquam ipse fuisse Nathan prophetæ, qui filius David: quia nec hoc dictum est, quia ipse prophetæ missus erat, sed dictum est, quia Nathan prophetæ missus erat, ut mysterium non in eodem homine, sed in eodem nomine intelligatur.*

QUESTIO II. — QUAM CRUDELITER DAVID AMMONITAS VICTOS TRACTAVERIT, ET AN IN EO PECCAVERIT.

*Interposito peccato Davidis, ejusque correptione et poenitentia, hic revertitur Scriptura ad complendam historiam cap. X inchoatam, de expugnatione filiorum Ammon, qui legatos a Davide missos ignominiose tractaverant.*

*Vers. 26: Igitur pugnabat Joab contra Rabbath filiorum Ammon. Cum hæc esset civitas principalis et regia, intra eam sese collocarunt rex Ammonitarum, ejusque bellatores. Et expugnabat urbem regiam, id est, acriter oppugnabat et expugnare satagebat: nam postea y. 29 a Davide expugnata est.*

*Vers. 27: Misitque Joab nuntios ad David, dicens: Dimicavi adversum Rabbath. Hanc urbem D. Hieron. in locis Hebraicis dicit suo tempore appellatam fuisse Philadelphiam. Et capienda est urbs aquarum. LXX Interp. habet: Et cepi urbem aquarum. Similiter Chaldaeus utitur præterito: Inivi bellum in Rabbath, et etiam subegi urbem regiam. Item Versio hebræa Pagnini et Ariæ habet: Cepi. Hinc arbitrantur Cætanus et Serarius, urbis Rabbath duas fuisse partes, unam interiorem, alteram exteriorum, quæ dieta sit urbs aquarum, quam ceperit Joab, sed interiorem capiendam reservaverit Davidi.*

*Attamen, quia Vulgata latina utitur futuro, dicendum videtur, totam urbem capienda reservasse Davidi; sed quia Joab tam arcu obsidione eam*

*eouisque adegerat, ut in proximo esset capienda, dicere poterat, se eam cepisse; et sic intellige hebræa, chaldaea, et græca.*

*Hinc urbs aquarum non est alia, quam Rabbath, ut volunt Menochius et A Lapide, et colligunt ex Josepho, Lyrano, Hugone cardinale, et aliis. Dicta autem est urbs aquarum, quia circa eam erant aquæ et paludes, in quibus confidebant incolæ, ut putat Lyranus; vel quia torrens Jaboc eam circumfluebat, ut tradunt Serarius et Adrichomius.*

*y. 30: Et tulit (David, postquam cepisset urbem) diadema regis eorum de capite ejus, pondus auri talentum, habens gemmas pretiosissimas. Lib. I Paralip., cap. XX, 2 dicitur: Tulit autem David coronam Melchom de capite ejus... fecitque sibi inde diadema. Vox autem hebræa melchom ambigua est. Lyranus intelligit idolum ipsum, quod vocabatur Melchom, et significat idem ac rex ipsorum. Ammonita autem idolum illud tanquam regem venerabantur; et ideo videtur hic dici, quod fuerit diadema regis eorum.*

*Non peccavit autem David, quamvis ex corona sibi diadema conficerit: quia lex Deuter. VII, ubi dicitur: Sculptilia eorum (gentilium) igne combures, et non concupiscas aurum et argentum, de quibus facta sunt, tantum agit de materia, ex qua idola facta erant, non autem de ornamentis, ex quibus non tam facile, quam ex ipso idolo oriri poterat occasio seu periculum committendi idololatriam, etc.*

*Porro cum talentum Hebræorum confineat libras 125, quale pondus nemo facile patietur capiti suo imponi: dicendum videtur, quod David tantummodo pârtēm istius talenti impenderit corona sue. Unde dum hic y. 30 dicitur, quod diadema Melchom fuit impositum super caput David, intelligi debet, quod David illud quidem imposuerit capiti suo, dum jam mutatum, et in aliam formam pondusque redactum erat, sed residuum talenti in alios, v. g., templi ædificandi, usus deputaverit.*

*y. 31: Populum quoque ejus adducens serravit, et circumgegit super eos ferrata carpenta: quæ scilicet rotis ferreis et dentatis, ad frumentum e spicis excutendum, instructa erant. Lib. I Paralip., cap. XX, 3, ad ditur: Ita ut dissecentur et conterentur. In quem locum Tirinus putat, probabilius dici, in tam crudeli et horrendo suppicio inferendo, gravissime peccasse Davide; cumque existimet id factum a Davide eo tempore, quo adhuc hæretat in luto adulterii et homicidii, dicit mirum non esse, si tam crudelia patravit.*

*Verumtamen eum hic non peccasse, rectius sustinet Abulensis: nam Ammonita sic juste puniri potuerunt.*

*1. Ob pervicaciam, in qua, prostratis bino prælio Syris, in auxilium contra Davide vocatis, persistebant obstinati, nec satisfactionem offerebant.*

*2. Ob gravissimas Davidis legatis illatas injurias. Illi siquidem legatorum vestes dissecuerant, barbam medium caputque integrum contumeliose raserant, ut patet I Paralip., XXIX, 4. Quod cum tanti regis legatis fecissent, illique non nisi pacis et honoris gratia*